

բազայի նորացման համար, քանի որ անհնար է ապահովել աշխատանքի արտադրողականության աճ առանց ժամանակակից ռեսուրսախնայողական տեխնոլոգիայի ներդրման: Գյուղատնտեսությունում աշխատանքի արտադրողականության կայուն աճ ապահովելու համար անհրաժեշտ է իրականացնել համալիր միջոցառումներ ուղղված բերքատվության բարձրացմանը, նոր բարձր արտադրողական, ունիվերսալ տեխնիկայի ներդրմանը, պետության աջակցության ծավալների մեծացմանը, գյուղատնտեսությունում զբաղվող աշխատողների շահագրգռվածության բարձրացմանը, արտադրվող գյուղատնտեսական մթերքների իրացման խթանմանը:

Մարզում առկա է որոշակի խնդիրներ կապված արտադրվող գյուղատնտեսական մթերքների իրացման հետ: Վերամշակողող կազմակերպությունները մթերում են սահմանափակ քանակությամբ մթերք, հետևաբար գյուղացին լուրջ խնդիրներ է ունենում արտադրանքի իրացման հետ կապված:

## ՏԻՐԱՆ ԵՐԱՆՈՍՅԱՆ

ՀՀ ԳԱԱ Մ.Քոթանյանի անվան  
տնտեսագիտության ինստիտուտի ասպիրանտ

### ՇՈՒԿԱՅԱԿԱՆ ՀԱՐԱԲԵՐՈՒԹՅՈՒՆՆԵՐԻ ՏՆՏԵՍԱԿԱՆ ԿԱՐԳԱՎՈՐՈՒՄ ԵՎ ԳՅՈՒԴԱՏՆՏԵՍԱԿԱՆ ՈԼՈՐՏՈՒՄ ՇՈՒԿԱՅԻ ՈՒ ՊԵՏՈՒԹՅԱՆ ՓՈԽՀԱՐԱԲԵՐՈՒԹՅՈՒՆՆԵՐԸ

Շուկայական հարաբերությունների տնտեսական կարգավորման գործընթացը ուսումնասիրելիս անհրաժեշտ է հստակ սահմանազատել պետության տնտեսական դերը ազատ շուկայի և կարգավորվող շուկայական տնտեսության պայմաններում: Տնտեսագիտության մեջ ազատ շուկան բնութագրվում է հետևյալ չափանիշներով՝

- մրցակցության մասնակիցների անսահմանափակ թիվ, ազատ մուտք շուկա և նրանից ազատ դուրս գալու հնարավորություն, ազատ շուկային համապատասխանում է սեփականության ցանկացած տեսակ: Ազատ մրցակցության համակարգը բացառում է սպառողների ցանկացած տեսակի խտրականություն,
- նյութական, աշխատանքային, ֆինանսական և այլ ռեսուրսների բացարձակ շարժունակություն,
- մրցակցության բոլոր մասնակիցներին արտադրանքի և ծառայությունների առաջարկի, գների վերաբերյալ շուկայական տեղեկատվության ամբողջական ծավալի տրամադրում,
- միասնո ապրանքների բացարձակ նույնանություն, ապրանքի ապրանքային մակնիշի և ապրանքի որակի բնութագրման անհատական բնութագրիչներ,
- ազատ մրցակցության մասնակիցները ազդեցություն չպետք է ունենան այլ ձեռնարկատերերի ընդունած որոշումների վրա:

Այսպիսով, ազատ շուկայի համակարգում պետք է բացակայի մոնոպոլիան, ինչպես նաև բացառվի արժեքը կրող, գործազրկությունը և գերարտադրությունը: Սակայն դրա հետ մեկտեղ ազատ շուկան ի վիճակի չէ երաշխավորել հասարակության բոլոր սոցիալ-տնտեսական հիմնախնդիրների լուծումը: Այստեղ հատուկ նշանակություն ունի պետության տնտեսական դերը շուկայական հարաբերությունների կարգավորման գործում:

Պետության տնտեսական միջամտությունը պահանջվում է այնպիսի խնդիրների լուծման դեպքում, որոնք ենթակա չեն շուկայական մեխանիզմների կարգավորման: Դրանցից հիմնականները հետևյալն են.

- արտաքին ազդեցությունների պետական կարգավորումը: Այդ առաջին հերթին վերաբերում է շրջակա միջավայրի պաշտպանությանը, հողի բերրիության բարելավմանը, մելիորատիվ միջոցառումների իրականացմանը, հողատարման երևույթների կանխմանը և այլն,
- հասարակական սպառման ապրանքների պահանջարկի պետական կարգավորումը: Ազատ շուկան հնարավորություն է տալիս բավարարել միայն այն պահանջումները, որոնք արտահայտվում են պահանջարկի միջոցով: Սակայն գոյություն ունեն այնպիսի ապրանքներ ու ծառայություններ, որոնց սպառմանը մասնակցում են հանրապետության ամբողջ բնակչությունը: Առաջին հերթին դա վերաբերում է հասարակական կարգի պահպանությանը, ազգային պաշտպանությանը, պետական կառավարմանը, միասնական էներգետիկ համակարգի կենսագործունեությանը, կոմունիկացիաների համակարգին և այլն,
- պետության կողմից երկրի տնտեսության համար անհրաժեշտ դրամի զանգվածի ապահովումը: Շուկան ունակ չէ լուծել նշված կարևոր հիմնախնդիրը:

Պետության տնտեսական գործունեության գլխավոր նշանակությունը կայանում է շուկայի այն գործառնությունների լրացումը, որոնք շուկան ի վիճակի չէ արդյունավետ իրականացնել: Շուկան չի երաշխավորում աշխատանքի իրավունքի պահպանումը: Շուկայական տնտեսությունում տեղ ունի գործազրկությունը: Պետությունը պետք է կարգավորի աշխատուժի շուկան՝ նպատակ ունենալով բնակչության լիարժեք զբաղվածության ապահովումը:

«Շուկան չի կարող ապահովել երկրի բոլոր ճյուղերում նյութատեխնիկական առաջընթացի արագացումը, հատկապես հիմնարար գիտությունների և տեխնիկայի զարգացումը, որոնք պահանջում են խոշոր ներդրումներ: Շուկայական տնտեսությունը կարիք ունի պետության կողմից հակասողաճային և հակամենաշնորհային քաղաքականության»<sup>1</sup>:

Ագրարային շուկայի տնտեսական կարգավորումը հիմնվում է պետական հովանավորչության վրա, որը նախատեսում է ընդլայնված վերարտադրության սուբսիդավորում, հարկային և վարկային խթանման միջոցառումներ:

<sup>1</sup> Коваленко Н.Я. Экономика сельского хозяйства. С основами аграрных рынков. Курс лекций.-М.: Ассоциация авторов и издателей. ТАНДЕМ: Издательство ЭКМОС, 1998. с.104.



Ագրարային շուկայի տնտեսական խթանման խնդիրների լուծումը պետք է ընթանա հետևյալ ուղղությամբ:

- պետության պարենային անվտանգության ապահովում,
- գյուղատնտեսության և արդյունաբերության միջև գիտականորեն հիմնավորված համարժեք հարաբերակցության սահմանում,
- գյուղական ապրանքարտադրողների եկամուտների պահպանումը մինչև ընդլայնված վերարտադրության ապահովման մակարդակ,
- գիտատեխնիկական նվաճումների ներդրման և արտադրության արդյունավետության բարձրացման համար պայմանների ստեղծում,
- պետության ներսում միասնական տնտեսական տարածքի ձևավորում, մերձավոր և հեռավոր արտերկրների շուկաներ ելքի ապահովում:

Ընդհանուր առմամբ գյուղատնտեսությունը մուտք գործելով շուկայական տնտեսություն անհրաժեշտություն է դառնում ագրարային և պարենային քաղաքականության հայեցակարգի և ճյուղի պետական կարգավորման սկզբունքների մշակումը: Վերջիններս պետք է հիմնվեն երկրի գյուղատնտեսության ճյուղի առանձնահատկությունների, նյութատեխնիկական և արտադրական ռեսուրսների և գյուղի զարգացման սոցիալական պայմանների վրա:

Գյուղատնտեսությունը տարբերվում է տնտեսության մյուս ճյուղերից իր արտադրության առանձնահատուկ պայմաններով (հողը, կենդանի օրգանիզմները, աշխատանքի ժամանակահատվածի և արտադրության ժամանակահատվածի անհամապատասխանությունը և այլն), ինչպես նաև վերջնական արդյունքով՝ պարենային ապրանքներով: Այդ դեպքում պարենամթերքի պահանջարկի կախվածությունը արտադրանքների գներից. հանդիսանում է նվազ առաձգական: Բացարձակ ոչ առաձգականությունը նախատեսում է, որ շուկայական գների փոփոխությունը ազդեցություն չի ունենում արտադրանքների պահանջարկի վրա:

Գյուղատնտեսական արտադրանքի արտադրության ծավալները հնարավոր չէ կարճաժամկետ ժամանակահատվածում փոփոխել, քանի որ այն կախված է արտադրության մասնագիտացումից (մասնավորապես՝ պտղաբուծությունում, խաղողագործությունում, անասնապահությունում պահանջվում է 5-7 տարի, դաշտավարությունում 2-3 տարի), ինչպես նաև արտադրության ինտենսիվացման գործոնի ազդեցությունից (պարարտանյութերի ներմուծում, տեխնոլոգիաների փոփոխություն, մեքենաների և սարքավորումների կիրառում): Շուկայում ձևավորված նոր գների մակարդակին գյուղատնտեսության համապատասխանեցումը պահանջում է համեմատաբար երկարատև ժամանակահատված: Գոյություն ունի զգալի ժամանակային հատված (լազ) գների փոփոխության և գյուղատնտեսական արտադրության համապատասխան ռեակցիայի միջև (լազը ժամանակի խզումն է ներդրումների (ինվեստիցիաների) իրականացման և արդյունքի ստացման միջև: Գումարների մեծ մասը ներդրվում է առաջին տարում, իսկ հատույցը սովորաբար ապահովվում է միայն 2-5 տարի հետո):

Տարբեր երկրների փորձը ցույց է տալիս, որ գնային մեխանիզմը չի կարող լիարժեք կատարել առաջարկի և պահանջարկի կարգավորիչի իր գլխավոր գործառույթը: Տվյալ դեպքում պարենամթերքների արտադրությունը չի հանդիսանում ինքնակարգավորվող և արտադրողների (գյուղատնտեսության) ու սպառողների շահերի պաշտպանությունը պահանջում է արտաքին ներգործություն: Այստեղ հիմնական կարգավորիչ դերը պետք է ունենա պետությունը:

Արտադրության արդյունաբերական մեթոդներին անցման դեպքում ինվեստիցիաների նկատմամբ գյուղատնտեսության պահանջարկի ավելացումը տանում է ճյուղի վերարտադրության սահմանափակմանը և գյուղատնտեսությամբ զբաղվող բնակչության եկամուտների մակարդակի նվազմանը: Այս դեպքում, եթե գործի միայն շուկայական ուժը, ապա գյուղական բնակչության եկամուտները կլինեն առավել ցածր, քան քաղաքային բնակչությանը: Այդ անհամամասնության հարթումը պահանջում է պետության ուժերի միջամտություն: Ինչպես ցույց է տալիս տարբեր երկրների, այդ թվում՝ ԱՄՆ-ի փորձը ցածր արդյունավետ է համարվում գյուղատնտեսական մթերքների գների և գյուղատնտեսության մատակարարվող ռեսուրսների գների զուգակշռության պահպանումը: Մտավել ընդունելի է համարվում գյուղական և քաղաքային բնակչության եկամուտների զուգակշռության ապահովման սկզբունքը, տարբեր միջոցառումների համալիրի կիրառման միջոցով, մասնավորապես՝ հարկերի գանձում, կենսաթոշակային ծառայություններին պետական աջակցություն, գյուղական տարածքներում արդյունաբերության խթանում և բնակչության զբաղվածության ապահովման և այլ հնարավորությունների ստեղծում: Կարևոր է համարվում նաև գյուղատնտեսության արտադրական և գյուղի սոցիալական ենթակառուցվածքների պետական ֆինանսավորումը:

Շուկայական հարաբերությունների զարգացման կարևորագույն հիմնախնդիրներից է հողի հարցը՝ հողի տիրապետումը, հողօգտագործումը: Հողային հարաբերությունների պետական կարգավորումը պետք է նպատակաուղղվի գյուղատնտեսական հողատեսքերի առավել արդյունավետ օգտագործմանը և պահպանմանը: Պետությունը պետք է իր վրա վերցնի հողաշինարարական և մելիորատիվ աշխատանքների իրականացումը, քանի որ գյուղատնտեսությունում տնտեսավարողների միջոցներն ակնհայտորեն չեն կարող բավարարել այդ աշխատանքների կատարումը: Պետական կարգավորման առարկա պետք է լինի նաև գյուղատնտեսական հողատեսքերի նպատակային օգտագործումը և նշանակության պահպանումը:

Շուկայի և պետության փոխհարաբերությունների կենտրոնական հիմնախնդիրներից է պարենամթերքների ներմուծումը և արտահանումը: Ազատ առևտրի և ագրարային հովանավորչության սկզբունքները կախված են երկրի տնտեսության և գյուղատնտեսական արտադրության պայմաններից: Ագրարային հովանավորչության սկզբունքները ենթադրում են.

- երկրի պարենային անվտանգության ապահովումը,



- արտաքին առևտրի հաշվեկշռի բարելավում՝ ներմուծման սահմանափակման և արտահանման սուբսիդավորման միջոցով,
- ազգային գյուղատնտեսության պահպանումն ու զարգացումը, որպես ամբողջ տնտեսության կարևորագույն ճյուղերից մեկը:

Պետության լայն միջամտությունը տնտեսության մեջ, մասնավորապես՝ գյուղատնտեսության արտադրական և սոցիալական մեխանիզմներում պահանջում են նշանակալի ծախսեր: Այսպես օրինակ, «Ավստրալիայում գյուղատնտեսության պետական աջակցության մակարդակը ամբողջ արտադրանքի նկատմամբ կազմում է 44 %, Կանադայում՝ 35 %, Ֆինլանդիայում՝ 72 %, Շվեդիայում՝ 47 %, Ճապոնիայում՝ 72 %, Շվեյցարիայում՝ 76 %, Եվրամիությունում՝ 37 %, ԱՄՆ-ում 27-40 %: Իրականում ֆերմերը, այս երկրներում, շուկայական վճարմամբ ստանում է գնի մի մասը, եկամուտների զգալի մասը ստացվում է պետական աղբյուրներից»<sup>1</sup>:

Հայաստանի Հանրապետությունում վիճակը այլ է, որը պայմանավորված է երկրի բյուջետային հնարավորություններով: Չնայած վերջին տարիներին գյուղատնտեսությանը հատկացվող բյուջետային միջոցները տարեցտարի ավելանում են, սակայն դրա մասնաբաժինը գյուղատնտեսության համախառն արտադրանքի մեջ չի գերազանցում 2 %-ի սահմանը: Այդ մասին է վկայում ՀՀ պետական բյուջեից ՀՀ գյուղատնտեսության նախարարությանը (գյուղատնտեսության զարգացման համար) հատկացված միջոցների և գյուղատնտեսության համախառն արտադրանքի համադրման տվյալները (աղյուսակ 1 ):

Աղյուսակ 1.

**ՀՀ պետական բյուջեից ՀՀ գյուղատնտեսության նախարարությանը (գյուղատնտեսության զարգացման համար) հատկացված միջոցները և գյուղատնտեսության համախառն արտադրանքը 2002-2006թթ.**

|                                                                       | 2002թ. | 2003թ. | 2004թ. | 2005թ. | 2006թ. |
|-----------------------------------------------------------------------|--------|--------|--------|--------|--------|
| Բյուջետային հատկացումները, մլն դրամ                                   | 2197.5 | 2472.6 | 3231.0 | 3728.4 | 6155.8 |
| Գյուղատնտեսության համախառն արտադրանքը տվյալ տարվա գներով, մլրդ դրամ   | 377.6  | 410.1  | 504.1  | 493.0  | 555.9  |
| Բյուջետային հատկացումների մասնաբաժինը համախառն արտադրանքի նկատմամբ, % | 0.6    | 0.6    | 0.64   | 0.76   | 1.1    |

Պահանջարկի և առաջարկի հավասարակշռության պահպանումը, տեղական արտադրողների պաշտպանությունը, գյուղում կառուցվածքային և սոցիալական վերափոխումների իրականացումը կարող է կրել ինչպես տնտեսական, այնպես էլ վարչական բնույթ:

Գյուղատնտեսության պետական կարգավորման համակարգում առաջատար տեղ է հատկացվում գների համապատասխան մակարդակի և գնային հավասարակշռության պահպանմանը: Գնային մեխանիզմների ապահովման համակարգում հանգեցնում է քայքայիչ հետևանքների: Պարենամթերքների գնային համակարգի տատանումները մեղմվում է պետության միջամտությամբ: Ագրարային քաղաքականությանն ուղղվող պետական ծախսերի գերակշռող մասը պետք է ուղղվի գների պահպանմանը:

## ԱՐԱՐԱՏ ԶԱԶԱՐՅԱՆ

ՀՀ ԳԱԱ Մ.Զորանյանի անվան տնտեսագիտության  
ինստիտուտի առաջատար գիտաշխատող, տ.գ.դ., պրոֆեսոր  
**ԱՐՏԱՎԱԶԴ ՕՅԱՆՅԱՆ**

ՀՀ ԳԱԱ Մ.Զորանյանի անվան  
տնտեսագիտության ինստիտուտի ասպիրանտ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԹԵԹԵՎ ԱՐԴՅՈՒՆԱԲԵՐՈՒԹՅԱՆ ՃՅՈՒՂԱՅԻՆ ՀԻՄՆԱԽՆԴԻՐՆԵՐԸ

Հայաստանի հանրապետության թեթև արդյունաբերությունը նախորդ դարի 80-ական թթ. հանդիսանում էր երկրի արդյունաբերության ամենազարգացած հատվածներից մեկը: Այս ճյուղում զբաղված էր մոտ 115 հազար աշխատող և տալիս էր երկրի ընդհանուր արտադրանքի մոտ 25 տոկոսը: Արդյունաբերության այս ճյուղը մեր հանրապետությունում հիմնված էր տեքստիլ արտադրության ու կարպետագործության ասպարեզներում դարերով, ինչպես նաև կոշիկեղենի համեմատաբար վերջին ժամանակներս զարգացած ենթաճյուղում ձեռք բերված փորձի վրա: Պետք է նշել նաև, որ դրանք մեծ համբավ ունեին նախկին Խորհրդային Միության և «սոց. ճամբարի» այլ երկրներում:

ԽՍՀՄ-ի փլուզման հետ մեկտեղ կորցվեցին նաև այս ճյուղի հիմնական ու ավանդական շուկաները: Պայմանավորված լինելով արտաքին առևտրի ազատականացման բուռն գործընթացներով ու դրանից բխող և օրեցօր ուժեղացող միջազգային մրցակցության բարձր աստիճանով՝ երկրի արդյունաբերության այս ճյուղի համար երկար ժամանակ խիստ դժվար էր ապահովել արտադրանքի մուտքը նոր շուկաներ: Արդյունքում 90-ականներին գրեթե ամբողջությամբ փլուզվեց թեթև արդյունաբերության ճյուղը: Այդ շրջանում երկրի ընդհա-

<sup>1</sup> Коваленко Н.Я. Экономика сельского хозяйства. С основами аграрных рынков. Курс лекций.-М.: Ассоциация авторов и издателей. ТАНДЕМ: Издательство ЭКМОС, 1998. с.107.